

UNIVERZITET U SARAJEVU
FAKULTET ISLAMSKIH NAUKA
Komisija za pripremanje prijedloga izvještaja
za izbor u saradničko zvanje
asistent za naučnu oblast *Akaid (dogmatika), tesavvuf i uporedne religije*

VIJEĆU
FAKULTETA ISLAMSKIH NAUKA
UNIVERZITETA U SARAJEVU

Predmet: Izvještaj za izbor kandidata u saradničko zvanja asistent za naučnu oblast
Akaid, tesavvuf i uporedne religije

Na osnovu člana 121. Zakona o visokom obrazovanju (*Službene novine Kantona Sarajevo*, br. 36/22), člana 233. Statuta Univerziteta u Sarajevu (br. 01-14-35-1/23 od 26.7.2023.), a u skladu sa Odlukom Vijeća br. 03-03-9-963-2/23 od 04. 10.2023. godine, br. 03-03-7-665/23 od 05. 07. 2023. godine, saglasnosti Rijaseta Islamske zajednice u Bosni i Hercegovini (Odluka br. 02-03-2-3549-3/22 od 28. 10.2023.) i Senata Univerziteta u Sarajevu (Odluka br. 01-17-95/23 od 26. 09. 2023.), raspisanog Javnog konkursa za izbor akademskog osoblja, saradnik u zvanju asistent za oblast *Akaid, tesavvuf i uporedne religije*, jedan izvršilac, puno radno vrijeme, koji je objavljen u dnevnom listu *Oslobođenje*, web stranici Univerziteta u Sarajevu i web stranici Fakulteta islamskih nauka Univerziteta u Sarajevu dana, 15. 11. 2023. godine, Vijeće Fakulteta na II. redovnoj sjednici održanoj dana 06. 12. 2023. godine donijelo je Odluku o imenovanju Komisije za pripremanje prijedloga za izbor usaradničko zvanje asistent, naučna oblast *Akaid, tesavvuf i uporedne religije*, (1) jedan izvršilac puno radno vrijeme, u slijedećem sastavu:

dr. Adnan Silajdžić, redovni profesor, naučna oblast *akaid (dogmatika), tesavvuf i uporedne religije*, predsjednik

dr. Nedžad Grabus, redovni profesor, naučna oblast *akaid (dogmatika), tesavvuf i uporedne religije*, član

dr. dr. Orhan Jašić, vanredni profesor, naučna oblast *akaid (dogmatika), tesavvuf i uporedne religije*, član.

Komisija je dana 18. 12. 2023. zaprimila dokumentaciju pristiglu na Konkurs, te je razmatrala zaprimljenu dokumentaciju.

IZVJEŠTAJ

Na objavljeni konkurs javila su se četiri kandidata:

2. Dr. Haris Islamčević, Prijava putem pošte, br: 07-2-1207/23 od 23. 11. 2023. god.
3. Dženan Mušanović, MA, Prijava putem protokola Fakulteta, br: 07-2-1215/23 od 24. 11.2023. god.
4. Hfz. Davud Efendić, MA, Prijava putem protokola Fakulteta, br: 07-2-1223/23 od 27. 11.2023. god.
5. Ibrahim Đozić, MA, Prijava putem pošte, (žig pošte 29.11.2023.) br: 07-2-1238/23 od 30. 11. 2023. god.

Komisija je u prisustvu sekretara Fakulteta Emine Muderizović, dipl. prav., utvrdila da su prijave kandidata Dženana Mušanovića, MA, hfz. Davuda Efendića, MA i Ibrahima Đozića,

MA, blago vremene, uredne i usklađene sa uslovima utvrđenim Konkursom od 15. II. 2023. godine, te je komisija organizirala pismeni i usmeni ispit za prethodno navedenu trojicu kandidata. Navedena tri kandidata su zadovoljili na pismenom ispitu održanom dana 21. 12. 2023., te su pozvani i na usmeni ispit 26. 12. 2023. Također uvidom u dokumentaciju, Komisija je ustanovila da jedan kandidat ne ispunjava posebne uvjete specificirane članom 121. Zakona o visokom obrazovanju. Naime kandidat Haris Islamčević je na prvome ciklusu studija imao prosjek ocjene manji od 8.00 zbog čega nije pozvan na pismeni odnosno usmeni ispit.

1. HARIS ISLAMČEVIĆ

Haris Islamčević (1987.) završio je Gazi Husrev-begovu medresu u Sarajevu 2006. god. Nakon srednje škole upisuje i uspješno okončava dodiplomski studij Fakulteta islamskih nauka u Sarajevu 2010. prosječnom ocjenom **7.18**. Godine 2015. nakon završetka postdiplomskog studija na Fakultetu islamskih nauka Univerziteta u Sarajevu je magistrirao iz oblasti akaida, a prosječna ocjena tokom postdiplomskog studija bila je 9.11. Haris Islamčević je 2019. godine doktorirao na Fakultetu islamskih nauka iz oblasti akaida, a prosječna ocjena je 9.33. Radio je kao vjeroučitelj nekoliko godina u osnovnim i srednjim školama u Sanskom Mostu. Trenutno obavlja poslove sekretara Medžlisa Islamske zajednice u Sanskom Mostu. Od 2019. aktivan je kao hatib na đaćkim džumama koje se obavljaju u Hamzibegovoj džamiji. Haris Islamčević je 2012. godine uspješno položio stručni ispit za samostalni rad u obrazovanju. Objavljuje autorska djela i prijevode. Od 2020. do 2023. dr. Islamčević je bio redovni kolumnista portala Media centra islamske zajednice preporod.info. Svoje kolumnističke osvrte redovno objavljuje na svom blogu i profilu academia.edu. Knjige, studije i radovi napisani su iz oblasti: akaida (dogmatike), opće teologije, uporednih religija, filozofije religije, te teologije kulture.

2. DŽENAN MUŠANOVIĆ

Dženan Mušanović (1994.) završio je dodiplomski studij na Fakultetu islamskih nauka u Sarajevu 2019., godine prosječnom ocjenom **8.45**. Na istom Fakultetu završio je i drugi ciklus studija na programu MA in Islamic Studies "Islam in Europa" (2021.) prosječnom ocjenom 8.42. Također stekao je bakaleurat iz komparativne književnosti na Filozofskom fakultetu Univerziteta u Sarajevu, gdje je ostvario 180 ECTS bodova sa prosječnom ocjenom 7.97. Proveo je jedan semestar na studentskoj razmjeni na Eberhard Karls Univerzitetu u Tuebingenu. Objavljuje autorske radove i prijevode sa engleskog jezika u *Glasniku Rijaseta Islamske zajednice* i *Živoj baštini*.

3. DA VUD EFENDIĆ

Davud Efendić je rođen 1995. godine u Zavidovićima, gdje završava osnovnu školu kao učenik generacije. Tokom osnovnoškolskog obrazovanja, učestvuje na općinskim, kantonalnim i federalnim takmičenjima iz matematike i fizike. Srednjoškolsko obrazovanje nastavlja u Behram-begovoj medresi u Tuzli, gdje privodi kraju učenje hifza i u II razredu postaje nosilac časne titule Hafizu-l-Kur'an, nakon čega učestvuje na brojnim domaćim i međunarodnim takmičenjima u hifzu Kur'ana, pri čemu osvaja zapažena mjesta. U IV razredu osvaja I mjesto na takmičenju iz arapskoga jezika između maturanata medresa IZ u BiH, te završava školovanje u Medresi kao učenik generacije. Nakon medrese upisuje studij teologije na Fakultetu islamskih nauka u Sarajevu. Tokom studija učestvuje na više međureligijskih susreta. Za postignute rezultate tokom prvog ciklusa studija nagrađen je **zlatnom značkom**, s

ostvarenim prosjekom ocjena od 9.87. Nakon završenog prvog ciklusa studija, seli se u Austriju, uporedo nastavljajući akademski put kroz master studij na Fakultetu islamskih nauka. U Austriji završava kurs njemačkoga jezika (C1 nivo), nakon čega počinje raditi kao vjeroučitelj u osnovnim školama u Štajerskoj. Master rad iz oblasti akaida i tesavvufa brani početkom 2022. godine, s ostvarenim prosjekom ocjena na master studiju od 9,88. Akademsku 2022/23. godinu provodi kao stručnjak iz prakse na Fakultetu islamskih nauka, vodeći vježbe iz predmeta Uvod u sufizam, Religijski odgoj i okultna kultura, Historija filozofije II, te Religija i društvo. Efendić se 2022. godine upisuje na master studij "Religion Kultur Gesellschaft" na Univerzitetu u Grazu. Hafiz Efendić je učestvovao na nekoliko znanstvenih konferencija, a objavio je nekoliko znanstvenih radova od kojih je jedan tekst prihvaćen za objavljivanje u časopisu indeksiranome u **WOS i SCOPUS** bazama. Također suprevoditelj je jedne knjige sa arapskog jezika.

4. IBRAHIM ĐOZIĆ

Ibrahim Đozić (1991.) svršeničje medrese Osman ef. Redžović u Visokom (2010.). Završio je dodiplomski studij na Fakultetu islamskih nauka (2014.) sa prosječnom ocjenom 8.02. Postdiplomski studij završava na Institutu društvenih nauka Fatih Sultan Mehmed Vakif Univerzitetu u Istanbulu (2018.) prosječnom ocjenom 2.92. Od 2019. godine student je na doktorskom studiju na Fakultetu islamskih nauka Univerziteta u Sarajevu. Od 2021. godine uposlen je kao imam, hatib i muallim u džematu Vratnica, MIZ Visoko. Također je radio kao imam, hatib i muallim u Sultan Abdulaziz (Azizija) džamiji u Orašju, te kao profesor islamske vjeronauke u Gimnaziji Visoko. Izlagao je referate na nekoliko konferencija, te je preveo jednu knjigu.

PRIJEDLOG KOMISIJE

Uzimajući u obzir uz prijave dostavljenu dokumentaciju, zatim rezultate naknadno obavljenih ispita u pisanoj i usmenoj formi, Komisija Vijeću Fakulteta predlaže da se u zvanje asistenta na Katedri za akaid (dogmatiku), tesavvuf i uporedne religije **izabere kandidat hfz. Davud Efendić, MA**, i to iz sljedećih razloga:

Hfz. Davud Efendić je završio prvi ciklus sa odličnim prosjekom 9,87 odnosno sa najvišim prosjekom od svih prijavljenih kandidata.

Kandidat je dobitnik priznanja Zlatna značka na Univerzitetu u Sarajevu za ostvarene rezultate na prvome ciklusu studija.

Kandidat je Hafizu-l-Kur'an što je od posebnog značaja, ako se uzme u obzir specifičnost Fakulteta islamskih nauka.

Kandidat je odbranio master rad na Fakultetu islamskih nauka iz oblasti akaida i tesavvufa.

Kandidat je izvodio jednu akademsku godinu vježbe na Katedri za akaid (dogmatiku), tesavvuf i uporedne religije u svojstvu stručnjaka iz prakse te je tom prilikom pokazao pedagoške vještine neophodne za rad sa studentima.


Kandidat je do sada objavio nekoliko radova i prezentirao je referate na konferencijama, ali vrijedno je izdvojiti i što je svakako kuriozitet, da je jedan njegov tekst prihvaćen za objavljivanje u časopisu indeksiranom u citatnim bazama (WOS i SCOPUS).

Imajući u vidu navedeno Komisija ima istinsko zadovoljstvo predložiti Vijeću Fakulteta islamskih nauka, odnosno Senatu Univerziteta u Sarajevu da se hfz. Davud Efendić izabere u zvanje asistenta za naučnu oblast *Akaid (dogmatika), tesavvuf i uporedne religije* na Fakultetu islamskih nauka u Sarajevu.

6.
Sarajevo, 28. 12.2023.

Članovi komisije:

dr. Adnan Silajdžić, redovni profesor, naučna oblast akaid (dogmatika), tesavvuf i uporedne religije, predsjednik



Adnan Silajdžić

dr. Nedžad Grabus, redovni profesor, naučna oblast akaid (dogmatika), tesavvuf i uporedne religije, član



Nedžad Grabus

dr. dr. Orhan Jašić, vanredni profesor, naučna oblast akaid (dogmatika), tesavvuf i uporedne religije, član



Orhan Jašić